



Jumat, 16 Juli 2021

Ogen: Kuan-kuanen 4:11-13



NGGELUH IBAS KEPENTAREN



Nelson Mandela pernah ngatakan maka 'Pendidikan adalah senjata yang paling mematikan dalam dunia karena pendidikan dapat mengubah dunia'. Perkembangan kegeluhen ras peradapan doni enda tentuna ipalasi kubas pendidiken, kalak si erlajar ndatken erbage pemeteh, arah erbage pengujin seh erbage-bage idatken hal simbaru. Seh kubas jaman teknologi informasi epe tentuna buah ras ulih pendidiken. Terdauhen ulihna e banci mereken kegeluhen si mehuli ras luar biasa janah banci ka ulihna sila uli bagi bom i Hiroshima ras Nagasaki paksa perang dunia ke dua.

Bagepe undang-undang sikdiknas ngatakan maka pendidikan nasionall berfungsi mengembangkan dan membantu watak serta peradapan bangsa-bangsa yang bermartabat dalam mencerdaskan bangsa. Ibas konteks Indonesia pe pendidiken pe iarapken banci mengubah ras mereken warisen simehuli guna kiniulin geluh bangsa ras negara. Termasuk ibas gereja, pendidiken iman, spirituasl jadi ingan guna mendidik manusia guna watak ras moral si lebih mehuli. Perbahan mbelinna gegeh ras kuasa pendidiken emaka biaya ras dana pendidiken me simbelinna ibas negarata janah tentuna ibas jabu pe eme anggaren si melalana.

Bageme isingetken ibas renungenta wari enda maka penulis kitab Kuan-kuanen nuriken maka enggo iajarkenna kepentaren simereken dalan kegeluhen si payo. Sie mpengaruhi kerina dampar kegeluhen manusia. Emaka enggo pe tambah umurta ras pengalamenta ula kal ngadi erlajar gelah pentar.